



**20/2021 LEGEAREN 2.1 ARTIKULUTIK ERATORRITAKO EPE LUZEKO  
BEHIN-BEHINEKO ENPLEGUA EGONKORTZEKO PROZESU BEREZIAREN  
DEIALDIAREN OINARRI ESPEZIFIKOAK, PINTURA IRAKASLE ARTISTA  
KATEGORIARI DAGOKIONA**

**1. Deitutako plazak**

Lan-kontratuko pintura irakasle artista bat lanposturako deialdia egiten da, txanda irekiz, banaketa honen arabera:

- Lanpostuak: Irakasle Artista lanpostu 1 (pintura).
- Hizkuntza eskakizuna: 3.
- Derrigortasun data: 2016/08/31.
- Kategoria: C1.
- Soldata gordina: 32.937,00 euro.
- Lanaldia: lanaldi partziala (%75).

*Eginkizunak*

- Eman beharreko ikastaroak kontrolatzea eta planifikatzea.
- Aurrekontuak egitea, gai-zerrendan eta ikasle-kopuruan oinarrituta, hornitzaileekin harremanetan jarrita eta partiden aurrekontuak eta prezioak eskatuta.
- Hornitzaileei materiala erostea
- Zeregin hori guztia nagusiek agindutako eskumenen barruan egitea.

**2. Parte hartzeko eskakizunak**

2.1. Plaza lortu nahi duzenek oinarri orokorretako 2. paragrafoan oro har ezarritako baldintzak bete beharko dituzte.

2.2. C1 azpitaldeko langileak hautatzeko deialdietan izena emateagatik tasaren zenbatekoa honako hau da: 23 €

2.3. Oinarri orokorretako 2. h) apartatuan xedatutakoari dagokionez, Batxiler-titulua edo teknikari-titulua, edo baliokideko titulazioa eskatzen da.

**3. Lanpostuak esleitzeko berariazko betekizunak**

3.1. Deialdi honen xede den plazari lotutako lanpostuan, 3. hizkuntza eskakizuna betekizun izango da. Euskara jakitea derrigortasun data igarota duen lanpostuaren baldintza da.

Betekizun horiek oinarri orokorretako 2. eta 7. oinarrietan ezarritakoaren arabera egiaztatu beharko dira.

**4. Hautaketa-prozesua**

Hautaketa-sistema lehiaketa-oposizioa izango da:

**4.1. Oposizio fasea**

Oposizio fasean bi proba egingo dira, eta nahitaezkoak eta baztertzailak izango dira.

Oposizio fasean gehienez ere 60 puntu eskuratu ahalko dira.

**4.1.1. Lehen proba**

Basauriko Udal Kultur Etxeko pintura-tailerraren antolaketari eta ezaugarriei buruzko memoria-proposamen bat egingo da, lanpostua zehazten duten funtsezko funtzioetara bideratutako ikuspegi batetik (1. oinarrian definituak).

Epaimahaiak honako alderdi hauek baloratuko ditu:

- Memoriaren egitura eta barne-koherentzia.
- Adierazitako alderdien xehetasun-maila.



- Egindako proposamenak eta proposamen horien bideragarritasun teknikoa eta ekonomikoa.
- Ekarpenak eta alderdi osagarriak edo berritzaileak.
- Ikastaroak zuzentzen zaizkien taldeak.
- Udalaren Kultur Etxeko instalazioetatik kanpo egin beharreko jarduera osagarriak.

Memoriak gehienez 15 orrialde izango ditu. Udal Kultur Etxeari buruzko informazioa: [www.socialantzokia.eus](http://www.socialantzokia.eus)

Probaren gehienezko balioa 60 puntukoa izango da.

#### 4.1.2. Bigarren proba, euskara proba

Derrigorrezkoa eta baztertzaila izango da nahitaezko 3. hizkuntza-eskakizuna duen lotutako lanpostuak duen plaza lortu nahi duten izangaientzat. Nolanahi ere, maila horretan euskararen ezagutza zehaztu eta egiaztatu beharko da.

Proba hau Gaitzat edo Ez gaitzat joko da.

Euskara Tituluen eta Ziuertagiriaren Erregistro Bateratuan egiaztatuta badago, ez da egiaztatu beharko. Horretarako, parte-hartzaileak baimena emango dio, berariaz, Baskuriko Udal Kultur Etxeari erregistro horretan egiaztatu dezan.

Hala ere, erregistro horretan ez dagoen beste edozein euskarako titulu edo ziuertagiri aurkeztu beharko da, baina baliozkotuta, euskararen jakite-maila egiaztatzen duten tituluak eta ziuertagiriak baliokidetu, eta Hizkuntzen Europako Erreferentzi Marko Bateratuaren mailekin parekatzeko den azaroaren 9ko 297/2010 Dekretuaren arabera.

Apirilaren 3ko 47/2012 Dekretuak, euskaraz egindako ikasketa ofizialak aintzat hartzeko eta euskara-maila hizkuntza-tituluen eta ziuertagiriaren bidez egiaztatzen salbues-teko denak, xedatutakoaren babesean 3. hizkuntza-eskakizuna egiaztatu nahi dutenek ziuertagiri akademikoa aurkeztu beharko dute. Ondorio horietarako, ETZEBn baliozkotu diren salbuespenak baino ez dira aitortuko.

#### 4.1.3. Proben garapena

Eskala, azpieskala edo kategoria bakoitzeko hautagaiak deituak izango dira probak egiteko deialdi bakarrean. Epaimahaiak hautapen probetan aukera eta tratu berdintasuna bermatzeko, proben deialdiko baldintzak aldatu ahal izango ditu haurdunaldi, erditze edo ezinbesteko bestelako arrazoiak direla-eta proba egitera joan ezin diren pertsonentzat. Inguruabar horiek, ahal den heinean, epaimahaiari jakinarazi beharko zaizkio proba egin aurretik, eta justifikazio agiriak atxiki beharko dira.

Epaimahaiak proba egiteko denbora eta bitartekoak egokituko dizkie egokitzapenak behar dituzten eta parte-hartze eskarian hala adierazi duten hautagaiei, eta horrela, gainerako parte-hartzaileekiko aukera berdintasuna izango dute, baldin eta horrekin probaren edukia hutsaltzen ez bada eta beharrezko gaitasun maila gutxitzen edo urritzen ez bada.

Hautaketa probak egitera joan ahal izango dira prozesuan onartuak izan diren pertsonak eta baztertuak izanda ere, egiaztatzen dutenak ebazteke dagoen gora jotzeko errekurtsoa jarri dutela. Identifikazio ondorioetarako probak egitera joango dira Nortasun Agiri Nazionalarekin, pasaportearekin edo gidabaimenarekin.

Oposizio faseko proba bukatuta, epaimahaiak behin-behineko emaitzak argitaratuko ditu eta 10 egun balioduneko epea ezarriko du erreklamazioak jartzeko. Epe hori bukatuta eta hala badagokio aurkeztu diren erreklamazioak ebatzita, epaimahaiak jendaurrean erakutsiko ditu behin betiko emaitzak.

Emaitzen argitaratzeak jakitera emango dira oinarri orokorren 5. oinarrian aipatutako lekuetan.



#### 4.1.4. Oposizio faseko puntuazioen zerrenda

Oposizio faseko probak bukatuta eta hala badagokio, aurkeztu diren erreklamazioak ebatzita, epaimahaiak aginduko du gainditu dutenen puntuazioen behin betiko zerrenda argitaratzea, eta sarbide txandaren eta modalitatearen arabera argitaratuko dira.

#### 4.2. *Lehiaketa fasea*

Lehiaketa fasean gehienez ere 40 puntu lortu ahal izango dira eta puntuen baturak zehaztuko du baremo honen arabera:

##### a) *Esperientzia: 30 puntu gehienez*

###### a.1. Esperientzia orokorra

Esperientzia orokortzat hartzen da edozein administrazio publikotan, deialdia egin duen administrazioan barne, dagokien hautaketa-prozesuaren muina diren arestikoekin parekatutako esperientzia, baldin eta zerbitzu horiek aurreko kidego, eskala, azpieskala, aukera, espezialitate edo lanbide-taldeetan emandako zerbitzuengatik izandako esperientzia, eragin duen harremanaren arabera langile hori funtzionarioa zein lan-kontratuduna izan.

Gehienez 10 puntu emango dira, baremo honen arabera:

- Administrazio bereziko eskalako azpieskala teknikoan (pintura irakasle artista) edo pintura irakasle artista kategorian edozein administrazio publikotan, deialdia egin duen administrazioan barne, egindako zerbitzuengatik 0,0046 puntu lan egindako egun bakoitzeko.

###### a.2. Berriazko esperientzia

Hautaketa-prozesuan deitutako lanpostuak betetzeagatik deialdia egin duen administrazioan emandako zerbitzuak berriaz, berezita eta esperientzia orokorraren balorazioaren osagarri gisa baloratuko dira, gehienez ere 20 punturekin, baremo honen arabera:

- Administrazio bereziko eskalako azpieskala teknikoan (pintura irakasle artista) edo pintura irakasle artista kategorian administrazio deitzailean egindako zerbitzuengatik, 0,0092 puntu lan egindako egun bakoitzeko.

Zenbatzeko, erakunde bakoitzean lan egindako aldien batura egingo da. Nolanahi ere, lanaldi partzialean edo lanaldi murriztuan lan egindako aldiak lanaldi osoan lan egindakotzat hartuko dira. Ezin izango da egun berean kontratu/izendapen bat baino gehiago zenbatu.

##### b) *Merezimendu akademikoak. Gehienez 10 puntu emango dira merezimendu hauengatik*

b.1. Deitutako lanpostuan sartzeko eskatzen den prestakuntza akademikoa baino maila bat (1) handiagoko titulu bat izateagatik, betiere deitutako plazei lotutako lanpostuen funtzio-eremuari egokitutako titulazioak badira: 5 puntu

- C1: Unibertsitate-graduak titulazioa edo baliokidea (MECES 2. maila).

b.2. Lanpostuan sartzeko eskatzen den maila bereko titulu akademikoa izateagatik (eskakizun gisa egiaztatutakoa ez beste bat), betiere deitutako plazei lotutako lanpostuen funtzio-eremuari egokitutako titulazioak badira: 2,5 puntu

b.3. Deitutako plazei lotutako lanpostuen eremu funtzionalei lotutako eta erakunde ofizialek (administrazio publikoko eskolak edo institutuak, administrazio publikoak, unibertsitateak, lanbide-elkargoak, mutualitateak, fundazioak, elkarteak, federazioak) emandako edo homologatutako prestakuntza-ikastaroak jasotzeko orduengatik, 0,04 puntu jasotako ordu bakoitzeko, gehienez ere 10 puntu.

## 5. Hautaketa-prozesuaren kalifikazioa

Izangaien azken kalifikazioa hautaketa-prozesu osoan lortutako puntuazioen baturak zehaztuko du.

**6. Lan-poltsa**

Deialdi honek lan poltsa bat sortuko du eta plazarik eskuratu ez duten, baina lehiaketa fasea gainditu duten pertsonak egongo dira bertan.

**7. Lehentasun-klausula aplikatzea**

Euskal Funtzio Publikoari buruzko uztailaren 6ko 6/1989 Legearen 27.2 artikulua aplikatzeko, artikulua horretan aurreikusitako berdinketa hausteko klausula ez da aplikatuko, irakasle artista kategorian emakumeen azpiordezkaritzarik ez dagoelako.